


# 2015-2016ko eta 2022ko kontratuen **ALDERAKETA**

**HELBURUA:** aurreko lizitazioarekin alderatuta zerbitzuaren hobekuntza baloratzea.



Euskal Autonomia Erkidegoko Hezkuntza Sailaren ikastetxeetako elikadura-zerbitzuei dagozkien kontratazio-agirien ikerketa konparatiboaren eta hobetzeko proposamenen laburpena.

2022ko azaroa

**Egileak:**

Erosketa Publiko Berdea Ikerketa Taldea (UAH). 2022ko kontratazio-agirien azterketa. Mónica Giménez Baldazo eta Christians Alexander Aznaran Carmelino.

Mensa Cívica: 2015-2016 urteetako kontratazio-agirien azterketa eta kontratazio-agirien arteko alderaketa eta hobetzeko proposamenak. Paola Hernández Oliván eta Blanca Aguilar Catalán.

**Koordinatzaileak:**

Bidezko Elikadura - Justicia Alimentaria eta EHIGE.



Argitalpen honek Bizkaiko Foru Aldundiaren eta Garapenerako Lankidetzaren Euskal Agentziaren laguntza izan du. Argitalpenaren edukia Bidezko Elikadura – Justicia Alimentariaren eta EHIGE erantzunkizuna da, ez bestena, eta ez du islatzen, ezinbestean, ez Bizkaiko Foru Aldundiaren ez Eusko Jaurlaritzaren ustea.



NIF G-58429077 Justicia Alimentaria  
NIF V95246104 EHIGE Gurasoen Elkartea

# KONTRATUAREN XEDEAREN ARABERAKO ALDERAKETA

## ESKOLA JANTOKIEN 2015-2016KO KONTRATUA

## ESKOLA JANTOKIEN 2022KO KONTRATUA

### 2015:

Hezkuntza, Hizkuntza Politika eta Kultura Sailaren menpeko hainbat zentro publikoetako kudeaketa zuzeneko eskola-jantokietan janariak prestatzea, lehengaiak eskuratzea, garraiatzea eta jantokien funtzionamendurako prestazio osagarriak egitea.


### 2016 (2015eko 10. sortari dagokio):

Hezkuntza, Hizkuntza Politika eta Kultura Sailaren menpeko hainbat zentro publikoetako kudeaketa zuzeneko eskola-jantokietan janariak prestatzea, lehengaiak eskuratzea, garraiatzea eta jantokien funtzionamendurako prestazio osagarriak egitea.

### 2022:

Arabako, Bizkaiko eta Gipuzkoako Lurralde Historikoetako Hezkuntza Sailaren menpeko hainbat ikastetxe publikoetako kudeaketa zuzeneko eta janariak in situ prestatzeko modalitateko eskola-jantokietako janarien prestakuntza, elikadura-produktuen eta lehengaien hornikuntza eta jantokiaren funtzionamendurako prestazio osagarriak, oinarri teknikoen agiriak ezartzen dituen terminoen arabera. (2022an argitaratutako zortzi lizitazio-agirietatik hirutan).

Arabako, Bizkaiko eta Gipuzkoako Lurralde Historikoetako Hezkuntza Sailaren menpeko hainbat ikastetxe publikoetako kudeaketa zuzeneko eskola-jantokietako janarien prestakuntza, garraiatzea eta banaketa; elikadura-produktuen eta lehengaien hornikuntza eta jantokiaren funtzionamendurako prestazio osagarriak, oinarri teknikoen agiriak ezartzen dituen terminoen arabera. (2022an argitaratutako zortzi lizitazio-agirietatik bostetan).



2015eko, 2016ko eta 2022ko kontratuen izenburuan edo horien xedearen definizioan ez da jasangarritasuna berariaz aipatzen.

## HOBETZEKO PROPOSAMENA

Kontratuaren xedea gizarte eta ingurumen alderdien arabera zehazteko adibide bat:

Arabako Lurralde Historikoko Hezkuntza Sailaren menpeko hainbat ikastetxe publikoetako kudeaketa zuzeneko eta janariak in situ prestatzeko modalitateko eskola-jangeletako janarien prestakuntza, elikadura-produktuen eta lehengaien hornikuntza eta jangelaren funtzionamendurako prestazio osagarriak, oinarri teknikoen agiriak ezartzen dituen terminoen arabera:

- Elikadura osasungarriko eta jasangarriko irizpideekin.
- Gizarte- eta ingurumen-irizpideekin.

## KONTRATUAREN SORTAKAKO ZATIKETAREN ARABERAKO ALDERAKETA

EBren Kontratazio Publikoko Direktibak (2014/24/EB) (46.artikulua) kontratuak sortatan zatitzea sustatzen du eta arduradun publikoei justifikazio bat emateko exijitzen die hala egiten ez dutenean. Sortak erabiltzeak, Kontratazio Publiko Sozialki Arduratsuko (KPSA) parte gisa, eragile txikiek edo gizarte arloko enpresek parte har dezaten berma dezake; izan ere, horiek, agian, ez dituzte kontratu handi baten alderdi guztiak bete ahal izango.

### ESKOLA JANTOKIEN 2015-2016KO KONTRATUA

#### 2015-2016:

2015eko kontratua 18 sortatan zatitzen da, sorta bakoitza ikastetxe bati dagokiolarik. Hala ere, sorta guztiak handiak dira.

2016ko kontratua ez da sortatan zatitzen, 2014ko Kontratazio direktibaren zenbait xedapen indarrean dauden arren -horien artean kontratua sortaka zatitzera behartzen duena, hain zuzen ere-. Hala ere, kontratua sortatan zergatik ez den zatitzen justifikatzen duen txostena dago.


### ESKOLA JANTOKIEN 2022KO KONTRATUA

#### 2022:

Kontratu guztiak sortatan zatituta daude. Kontratuaren zatiketa eremu geografikoaren arabera egiten da kasu guztietan.

Lizitazio-agiri bakoitzean agertzen diren sorta kopurua:

- 3 sorta (zortzi kontratazio-agirietako bitan).
- 6 sorta (zortzi kontratazio-agirietako bitan).
- 8 sorta (zortzi kontratazio-agirietako hirutan).
- 9 sorta (zortzi kontratazio-agirietako batean).



2022ko kontratua sortatan zatitu izana positiboa da enpresa txiki eta ertainentzat, lizitazioan sartzeko aukera ematen baitie. Nolanahi ere, sortaren bat izaera sozialeko enplegu zentro berezientzat gorde zitekeen.

### HOBETZEKO PROPOSAMENA

Sortakako banaketa honela egin daiteke:

- 1. Egoera ahulean dauden pertsonak kontratatzen dituzten ekoizleentzat kontratuak edo sortak gordez:** Adjudikatzaileek kontratu bat edo kontratu baten zenbait sorta gorde ditzakete gutxienez langileen % 30 egoera ahulean dauden pertsonak dituzten lizitatzailentzat.
- 2. Kontratu zuzenak esleituz:** Kontratuak sorta txikietan banatzea errazagoa da botere adjudikatzaileak zuzenean erosten badu, kontratua handizkari edo bitartekari bati eman beharrean. Botere adjudikatzaileak sukaldia zuzenean kudeatzen badu, sukaldaritza-zerbitzuak azpikontratatu beharrean, aukerarik onena izan daiteke kontratu zuzen desberdinak izatea, nekazaritzako produktu bakoitzeko.

## ESLEIPEN-IRIZPIDEEN ARABERAKO ALDERAKETA


### ESKOLA JANTOKIEN 2015-2016KO KONTRATUA

#### 2015-2016:

60 puntu eman zaizkio prezioari eta 40 puntu zerbitzuan jartzeko antolakuntza-sistemari.

Baldintza-agirien karatulan eskaintzak baloratzeko irizpideak aurki ditzakegu. Horien artean bi irizpide nagusi ditugu: prezioa, % 60ko garrantziarekin, eta zerbitzuan jartzeko antolakuntza-sistema % 40ko garrantziarekin.

Ez dago ingurumen-, kalitate- edo nutrizio-dimentsioarekin lotutako esleipen-irizpiderik.



Esleipen-irizpideetan hobekuntza nabarmena izan da kalitate-prezio harremanari dagokionez.

Bereziki interesgarria da ingurumen-irizpideak sartu izana, hala nola ekoizpen ekologikoko produktuak, tokiko hornitzaileak eta bidezko merkataritza.

### ESKOLA JANTOKIEN 2022KO KONTRATUA

#### 2022:

Kontratu guztietan 38 eman zaizkio prezioari.

- 3 agiri: prezioa (38 puntu) + beste irizpide batzuk + ingurumen irizpideak (52 puntu).
- 5 agiri: prezioa (38 puntu) + ingurumen irizpideak (62 puntu).

Esleipen-irizpideak ikuspegi objektibo baten arabera idatzi dituzte, formulen bitartez, eta modu automatikoan aplikatzen dira kasu guztietan. Hala honako hauek hartzen dituzte, hurrenez hurren: etiketa ekologikoak, bidezko merkataritzako produktuak, gertuko hornitzaileak eta ibilgailu jasangarrien erabilera.

Irizpide guztiek lizitazio-fasean egiaztatzeko metodoaren argibidea ematen dute. Hala ere, hura ez da oso zehatza eta ez du argi adierazten nor ("botere adjudikatzailea") eta noiz edo zer maiztasunez egingo duen egiaztapen hura ("edozein unetan").

"Etiketa ekologikoak" eta "kalitate ziurtagiriak" etiketak nahasgarriak izan daitezke; izan ere, Eusko Label bezalako "kalitate ziurtagiri" batzuk Ecolabel ziurtagiri ekologikoaren antzeko gisa ikus daitezke.

### HOBETZEKO PROPOSAMENA

Elikadura ekologikoko, bidezko merkataritzako eta gertutasuneko irizpideak espezifikazio teknikoetan artikulatu beharko lirateke, nahitaezko indarra emateko. Edo jarraipen eta ebaluazio sistemaren bat artikulatu beharko litzateke, eskaintzan adierazitakoa eta esleipen-irizpideetan zehaztutakoa betetzera behartzeko, konpromisoak ez betetzea zigortuz.

EBko Elikadura Politikaren Koalizioaren esparruan egindako idatzi honetan<sup>1</sup> derrigorrezko zazpi irizpide (gutxienekoak) aurkezten dituzte jangela publikoentzat. Horien artean aurkitzen ditugu elikagai (agro)ekologikoak, bidezko merkataritza, animalien ongizatea eta baserritar txikiak babestea. Idatziak kontratazio-agirietan sar daitezkeen zenbait irizpide aurkezten ditu eta horiek egiaztatzeko sistema eta horiek lortzeko jarraibideak eskaintzen ditu.

<sup>1</sup>foodpolicycoalition.eu/wp-content/uploads/2023/05/ES\_Manifesto-for-establishing-Minimum-Standards-for-Public-Canteens-across-the-EU.pdf

# EGIKARITZEKO BALDINTZA BEREZIEN ARABERAKO ALDERAKETA

## ESKOLA JANTOKIEN 2015-2016KO KONTRATUA

### 2015-2016:

Kontratuak egikaritzeko hainbat baldintza bereizten ditu, baina guztiak sozialak dira, ez dago ingurumen arloko egikaritzeko baldintza berezirik, ezta kalitateari edo nutrizioari lotutakorik ere.

- Hizkuntza-motako egikaritzeko baldintza bereziak (33.1).
- Gizarteratzera eta lan-merkatuan sartzera zuzendutako egikaritzeko baldintza bereziak (33.2).
- Emakumeen eta gizonen arteko berdintasunari dagozkion egikaritzeko baldintza bereziak (33.3).
- Lan-kalitateari eta oinarrizko lan-eskubideei dagozkien egikaritzeko baldintza bereziak (33.4).
- Laneko segurtasunerako eta osasunerako baldintza bereziak (33.5).
- Enpresa kontratistaren gutxieneko lan baldintzei eta subrogazioari dagozkien egikaritzeko baldintza bereziak (33.6).

Ez dira funtsezko obligazioak kasu guztietan, izan ere, batzuk ez omen daude zigortuta ere.


## ESKOLA JANTOKIEN 2022KO KONTRATUA

### 2022:

2015-2016ko egikaritzeko baldintza berezi berberak jasotzen dira, baina baita ingurumenari lotutako funtsezko betebeharrak ere:

- Enpresa kontratistak jantoki zerbitzurako aurkeztutako ingurumen-kudeaketako sistema edo ingurumen-kalitateko beste berme batzuk indarrean mantendu beharko ditu kontratuaren iraupen osoan zehar, eta preskripzio teknikoaren agiriaren 8. atalean ("Ingurumen Kudeaketa") deskribatutako ingurumen-kudeaketako obligazio guztiak bete beharko ditu (hiru agiritan agertzen da).
- Kontratista kontratuan zehar sortutako hondakinen gaikako bilketa egitera behartuta dago. Bilgarriak eta ontziak bereizi beharko ditu, dagokien ontzian sartzeko edo, beharrezkoa denean, garbigunera edo hondakinak kudeatzeko onartutako beste sistema batera eramateko (hiru agiritan agertzen da).

Azkeneko hau ez dator bat hondakinen lege berriarekin eta ez du elikagaiak alferrik galtzearen kudeaketa aurreikusten.



Positiboa da agiriak ingurumen-kalitateko egikaritzeko baldintza bereziak hartzen dituela, batez ere hondakinen bilketari dagokionez, baina baldintza horiek hobe daitezke. Nolanahi ere, ez dira gizarte-arloko ardurak gutxietsi behar.

### HOBETZEKO PROPOSAMENA

**Ingurumen-kudeaketako sistema** bat betetzeaz harago doazen egikaritzeko baldintza bereziak artikulatu beharko lirarteke, sistema hura ez baitago ondo zehaztuta. Halaber, elikagaiak alferrik galtzearen inguruan irizpide zorrotzagoak artikulatu beharko lirarteke. Gizarte-dimentsioarekin lotutako irizpideei dagokienez, aipatu beharko litzateke **gizonen eta emakumeen arteko berdintasuna**. Halaber, ez dira honako hauek alde batera utzi behar: desgaitasunen bat duten edo gizarte-bazterketa egoeran dauden pertsonak kontratatzea, emakumeak edo gazteak kontratatzea eta erabakitze eremuetan sartzeko; ekonomia sozial eta solidarioko eta bidezko merkataritzako enpresen produktuak erabiltzea eta enpresak bateragarritasun planak izatea.

## LIZITATZAILEEK AURKEZTU BEHARREKO BERMEEN ETA KAUDIMEN EKONOMIKO ETA TEKNIKOAREN ARABERAKO ALDERAKETA

### ESKOLA JANTOKIEN 2015-2016KO KONTRATUA

#### 2015-2016:

2015eko kontratuari dagokionez, hura sortatan banatzen da. Sorta bakoitzak zenbateko handia du oraindik ere, eta, hortaz, % 5eko bermea ere zenbateko handia da horietako zenbaitetan.

2016ko kasuan ere, kontratuaren balioaren % 5eko behin betiko bermea ezartzen da, hau da, 400.000,00 € ingurukoa. Zenbateko hura oso altua da eta, hortaz, gure ustez, enpresa txiki eta ertainek ez dute kontratazioa lortzeko aukerarik.

#### Kaudimen ekonomiko eta finantzarioa:

Negozio-bolumen jakin bat eskatzen dute kontratuaren aurreko hiru urteetan. Bolumen hura eskaintza aurkeztuko diren sorten aurrekontuaren baturaren % 50 edo gehiago izan behar da.


### ESKOLA JANTOKIEN 2022KO KONTRATUA

#### 2022:

Kontratuak bi sortatan banatzen dira; hortaz, bermea sorta bakoitzeko eman behar da, eta hori positiboa da, enpresa txikiagoei lizitazio horietan parte hartzeko aukera ematen dielako.

Sortakako banaketak eta kontratuaren banaketak ahalbidetzen du bermeak txikiagoak izatea eta, hortaz, enpresa txikiagoek lizitazioan parte hartu ahal izatea.

Hala ere, mugatzaileak izan daitezkeen kaudimen finantzarioko zenbait baldintza eskatzen dituzte.



### HOBETZEKO PROPOSAMENA

**Ingurumen-dimentsioari** dagozkion kaudimen teknikoko baldintzak artikulatu beharko lirateke, baita ingurumen-baliabideak atxiki ere.

## ESPEZIFIKAZIO TEKNIKOEN ARABERAKO ALDERAKETA

### ESKOLA JANTOKIEN 2015-2016KO KONTRATUA

### ESKOLA JANTOKIEN 2022KO KONTRATUA

#### **2015-2016:**

Nutrizio alderdiei dagokienez, ikastetxe publikoen nutrizio-politika osatuko duten alderdiak zehatuko ditu agiri honek.

Agiriak zehazten du:

- Dieta bereziak dituzten bazkaltiarren familiei, tutoreei edo arduradunei informazioa hiru hilez behin emango zaiela eta hiruhilekoa hasi aurreko astean izango dela.
- Menu bereziak eskainiko direla osasun arazoak direla-eta, arrazoi kultural, etiko edo erlijiosoengatik ere.
- Familiek, tutoreek edo ikasleen arduradunek prestatutako menu bereziak kontserbatzeko eta berotzeko baliabide espezifikokoak daudela.
- Elikagai-talde bakoitzak astean edo hilean gomendatutako maiztasunak betetzen ditu.
- Erabiltzen den olio mota.
- Gatz iodatuaren, eta kontzentratuen eta zapore-indartzaileen erabilera.

Agiriak ez du aipatzen ura edari bakarria izan behar denik. Halaber, ez du aipatzen menuak prestatzeko elikagai ekologikorik eta/edo gertuko elikagairik erabili behar dituzten.

Faltan botatzen da menuen ikuskapena giza-nutrizioan eta dietetikan trebatutako profesionalak egingo dutela ezartzea.

#### **2022:**

Lehengaiei dagokienez:

Sasoiko eta kalitate estrako edo primerako frutak erabiliko dira. Fruta freskoa lehenetsiko da. Menuak sasoiko produktuen arabera moldatu beharko dituzte.

Animalia-proteinarik gabeko menua izateko aukera sartuko du hilean behin.


4. eranskinean aurkitzen den elikagaien taulak zehazten du zer produktu den sasoikoa hilabete bakoitzean, baina oinarritzko produktu batzuk falta dira eta honelako menuetan egon ohi ez diren beste batzuk agertzen dira.

Prestakuntzari dagokionez:

Prestakuntza-planek honako eremu hauek landuko dituzte:

- Ikasleei arreta ematea eta zaintzea.
- Higienea eta elikadura-segurtasuna.
- Maneiuko Praktika Onak, Garbiketa eta Desinfekzio Plana.
- Elikadura Osasungarria.
- Enpresaren ingurumen-plana, batez ere ikastetxeko hondakinen kudeaketari dagokionez.
- Hizkuntza gaikuntza.
- Laneko arriskuak prebenitzera bideratutako langileen segurtasuna eta osasuna.
- Beren eginkizunekin lotutako beste edozein alderdi.





Kalitate baldintzak alde batera uzten zituzten espezifikazio tekniko batzuetatik abiatu gara. Hobekuntza txikia artikulatu da, zenbait ingurumen-ardura baitaude, baina jarraipen-mekanismoen artikulazio eskasak eta zenbait ingurumen-espezifikazio teknikoren formulazioak erakusten digute ez dela benetako hobekuntzarik egon 2016ko agiriekin alderatuta.

Ingurumen-kudeaketari dagokionez:

Kontratatik ingurumen-kudeaketako sisteman zehaztutako neurriak sistematikoki ezarriko ditu, zerbitzuaren inpaktuak murrizteko.

Sukaldeko langileak kontratistaren mendekoak diren kasuetan, enpresak zerbitzua prestatzean sortutako hondakinak modu egokian kudeatu beharko ditu.

Beste espezifikazio tekniko batzuk:

Kontratatik honako hauek bermatu beharko ditu: ontziteriaren garbiketa, sukaldeko eta jantokiko altzarien, ekipoen eta instalazioen garbiketa eta erabilera ona, garbiketa- eta desinfekzio-produktu kimikoen eta suntsikorren hornikuntza; eta sortutako hondakinak ezarritako osasun- eta ingurumen-arauen arabera garraiatzea.

Atal hau oso generikoa da eta benetako eduki gutxi du, ez baititu zehazten ez ingurumen-preskripzio teknikoak eta ez egikaritze-fasean horiek betetzen ari direla egiaztatzeko metodorik ere.

## HOBETZEKO PROPOSAMENA

Maiztasunen programazioa berrebaluatzea proposatzen da, **menuen programazioa hobetzeko proposamen** batean oinarrituta, maiztasunak handitu edo murriztu behar diren elikagai taldeak zehaztuz; jarraipen bisitak programatzea edo ikastetxean bertan prestakuntza-saioak egitea.

Eskaintzen diren fruta eta barazkien % 45 gutxienez sasoikoak eta gertukoak izatea baloratuko da, eta, halaber, eskaintako elikagaien ehunekoren bat ekoizpen ekologikoak izatea balora daiteke eta ehuneko hori pixkanaka handituz joan daiteke.

Nutrizio-mailan, animalia-proteina murriztea sustatzen den bezalaxe, **ultraprozesatuak, frijituak eta azukretuak murriztea** ere sustatu beharko litzateke.

Prestakuntza mailan, lizitatuak jangelari lotutako hezkuntza-proiektu bat aurkeztea lehenetsi beharko litzateke elikadura osasungarria ingurumen- eta gizarte-iraunkortasunaren ikuspegitik lantzeko.

# ZIGORREN ETA KONTRATUA SUNTSIARAZTEKO KAUSEN ARABERAKO ALDERAKETA

## ESKOLA JANTOKIEN 2015-2016KO KONTRATUA

### 2015-2016:

Kontratuaren espezifikazio teknikoetan ez dago nutrizio-kalitateko, hondakinen kudeaketa iraunkorreko edo ingurumeneko baldintzarik. Hortaz, zerbitzuaren "kalitateari" dagozkion zigorrek ez dute zentzu handirik kontratuak berak ez baitu kalitate-baldintzarik exijitzen.

"Kalitateari" dagozkion zigorrak osasunean duten eraginaren eta administrazioari eragiten dioten kalte ekonomikoen arabera dira. Zigor horiek 10.000 eta 100.000 euro artekoak dira, kopuru horiek hutsalak dira.

Beraz, oso kontratu laxoa da.


## ESKOLA JANTOKIEN 2022KO KONTRATUA

### 2022:

Zenbait ingurumen-irizpideren espezifikazio teknikoak sartzeak ez du esan nahi horiek ez betetzea zigortuko denik. Izan ere, agirian ez da jasotzen ingurumen-alderdiak ez betetzearekin lotutako zigor egokirik.

Agirietako batean ere ez dago ingurumen-jarraipeneko sistemarik. Horrek enpresaren eskuetan uzten du eskaintzan aipatutako edozein alderdi benetan betetzea.

Kontratua suntsiarazteko kausen artean egikaritzeko baldintza bereziak ez betetzea aipatzen da (sei agiritan), ingurumen-kudeaketako sistemak izatearekin lotuta.



Ingurumen-irizpideen eta espezifikazio teknikoaren arloan zerbitzuaren kalitatea hobetzeko aukera eskaintzen duen hobekuntza txikia badago ere, ez da jarraipen egokirik artikulatzen agirian ezartzen diren ingurumen- eta kalitate-eskakizunak gauzatzeko.

### HOBETZEKO PROPOSAMENA

**Ingurumen-jarraipeneko sistema hobek** eta **horri lotutako zigorrak** artikulatu beharko lirateke. Zigorrak handiak izan beharko lirateke irizpide horien garrantzia adierazteko.

Era berean, Europa mailan dagoen anbizio klimatiko handia ikusita, hurrengo kontratuetan kontratuari dagozkion **Berotegi Efektuko Gasen (BEG) isurketen jarraipena** sartu beharko litzateke, ekoizpena, garraiatzea, kontsumoa eta elikagaien eliminazioa barne hartuz.

Hori metodologia, *software* edo *online* tresna desberdinen bitartez egin dezake.

## MENUEN ETA MENU ALDAKETEN ARABERAKO ALDERAKETA

### ESKOLA JANTOKIEN 2015-2016KO KONTRATUA

#### 2015-2016:

9. klausulan ezartzen da enpresa kontratistak menuan egindako aldaketan berri eman beharko duela horiek onartu ahal izateko. Behin menuak onartuta ezin izango dira aldaketak egin EZINBESTEKO kausa batengatik ez bada edo horiek behar bezala justifikatuta ez badaude eta Hezkuntza, Hizkuntza Politika eta Kultura Sailak horiek baimentzen ez baditu. Gainera, zehazten du ezin izango direla aldaketak egin ikastetxeen eskakizun partikularragatik edo esleipendunak bere menuak birprogramatu bitartez konpon daitezkeen arazoengatik Agiri honen argibideak betetzeko.

Halaber, aldatutako platerak nutrizio-politika bete behar dutela eta jatorrizko produktuaren kalitate berekoak edo handiagokoak izan behar direla ezartzen da. Hala, elikagaien testuren edo sukaldaritzaren tekniken aldaketak ere jakinarazi beharko dituzte.

Kontratistak, bada, Excel txantilo baten bitartez jakinarazi beharko ditu aldaketa horiek ikasturtean zehar, horiek aplikatzeko eguna baino 96 ordu lehenago, eta Hezkuntza, Hizkuntza Politika eta Kultura Sailak horiek baimendu beharko ditu. Aldaketa ikastetxearen Zuzendaritzari edo arduradunari ere jakinarazi beharko diote.

### ESKOLA JANTOKIEN 2022KO KONTRATUA

#### 2022:

Menuaren aldaketak jakinarazi beharko dituztela horiek onartu ahal izateko ezartzen da. Menuan aldaketak egiteko baldintzak 8.8 klausulan azaltzen dira. Aldaketa hau EZINBESTEKO kausa batengatik izan behar da edo aldaketak behar bezala justifikatu eta Hezkuntza Sailak baimendu behar ditu. Era berean, aldaketak ezin izango dira egin ikastetxeen eskakizun partikularragatik edo esleipendunak bere menuak birprogramatu bitartez konpon daitezkeen arazoengatik. Kalitate baldintzak aurreko lizitazioan bezala mantentzen dira, baina salbuespen bat gehitzen du elikagaien testura edo koinatzeko teknikak aldatzeari dagokionez, eta horiek aurretik jakinarazi behar dira, 2-3 urteko tartean izan ezik, horietan aldaketak elikagaien ahorrakina errazteko egiten baitira.

Kontratistak, bada, Excel txantilo baten bitartez jakinarazi beharko ditu aldaketa horiek ikasturtean zehar, horiek aplikatzeko eguna baino 96 ordu lehenago. Hezkuntza Sailak 48 ordu izango ditu erantzuteko, eta, aldaketak baimentzekotan, Ikastetxearen Zuzendaritzari aplikazio data baino 24 ordu lehenago komunikatuko dio.

#### HOBETZEKO PROPOSAMENA

Menuak elikadura-alerten kasuan besterik ezin direla aldatu ezartzen duenez, disposizioa hobe daitekeela uste dugu. Komenigarria izango litzateke ikastetxeekin harreman handiagoa ahalbidetuko lukeen klausularen bat sartzea, menuak onartu ahal izateko.